

Headline	Pameran Herba 23-25 Mei di PWTC		
MediaTitle	Utusan Malaysia		
Date	13 May 2014	Color	Black/white
Section	Dlm Negeri	Circulation	178,211
Page No	26	Readership	534,633
Language	Malay	ArticleSize	77 cm <sup>2</sup>
Journalist	N/A	AdValue	RM 1,003
Frequency	Daily	PR Value	RM 3,010



## Pameran Herba 23-25 Mei di PWTC

KUALA LUMPUR 12 Mei.- Orang ramai dijemput memeriahkan Pameran Herba Malaysia 2014 (PHM 2014) anjuran Institut Penyelidikan Perhutanan Malaysia (FRIM), di Pusat Dagangan Dunia Putra (PWTC), pada 23 hingga 25 Mei depan.

Unit Komunikasi Korporat FRIM berkata, penganjuran PHM 2014 bertujuan menggalakan kerjasama penyelidikan, pembangunan dan komersialisasi (R, D & C) dalam kalangan pemain industri yang terlibat.

“Pameran tersebut dijangka mengumpulkan penyelidik, ahli akademik, pihak industri herba termasuk pengilang, pengimpor dan pengeksport, agensi kerajaan yang berkenaan dan penggubal dasar.

“Selain pameran pelbagai produk herba dari seluruh negara, terdapat juga demonstrasi memasak resipi terbaharu menggunakan herba oleh chef selebriti,” kata penganjur dalam kenyataan akhbar di sini.

Sempena pameran tersebut yang bertemakan *Herba dan Pengetahuan Tradisi: Khazanah Negara*, FRIM juga akan menganjurkan Seminar Pemuliharaan dan Pemeriksaan Pengetahuan Tradisi (TK) bertema Melestarikan Legasi Pengetahuan Tradisi di tempat yang sama pada 23 hingga 24 Mei.

Majlis perasmian akan disempurnakan oleh Menteri Sumber Asli dan Alam Sekitar, Datuk G. Palanivel.